



詩所第二十九卷

五言古詩

正朝

晉傅玄

元正始朝享萬國執珪璋枝燈若火樹庭燎繼天光

前題

曹毗

靈春散初澤焚煜青陽舒佳袍忽已故今載奄復初軟節暢宇宙和風被八區

元正詩

王氏

稔冉冥機運迅矣四節經太簇應玄律青陽兆初正

前題

辛氏

元正啓令節嘉慶肇自茲咸奏萬年觴小大同悅熙

皇太子社

潘尼

太簇協青陽履端發歲首孟月涉初旬吉日唯上酉我
后邇天休設社祈遐考

三月三日洛水作

晷運無窮已時逝焉可追斗酒足爲歡臨川胡獨悲暮
春春服成百草敷英蕤聊爲三日遊方駕結龍旂廊廟
多豪俊都邑有豔姿朱軒蔭蘭皋翠幙映洛濱臨岸濯
素手步水擘輕衣沈鈎出比目舉弋落雙飛羽觴乘波
進素俎一作流歸

上巳篇

張華

仁風導和氣句芒御昊春姑洗應時月元巳啓良辰密
雲陰朝日零雨灑微塵飛軒遊九野置酒會衆賓臨川
懸廣幕夾水布長茵徘徊存往古慷慨慕先真朋從白
遠至童冠八九人追好舞雩庭擬跡洙泗濱伶人理新
樂膳夫獻時珍八音礪磬奏肴俎從橫陳妙舞起齊趙
悲歌出三秦春醴踰九醞冬清過十旬盛時不努力歲
暮將何因勉哉衆君子茂德景日新高飛舞鳳翼輕舉
攀龍鱗

三月三日從華林園

荀勗

清節中季春姑洗通滯塞玉輅扶淥池臨川蕩苛慝

三月三日臨曲水

庾闡

暮春濯清汜遊鱗泳一壑高泉吐東岑洄瀾自淨泉臨
川虺曲流豐林映綠薄輕舟沈飛觴鼓柁觀魚躍

三日

心結湘川渚目散冲霄外清泉吐翠流淥醅漂素瀨悠
想盼長川輕瀾渺如帶

七月七日

李克

朗月垂玄景洪漢截皓蒼牽牛難牽牛一作織女守空
箱一作河廣尚可越怨此漢無梁

七夕觀織女

王鑒

牽牛悲姝館織女悼一作離家一稔期一宵此期良可

一作嘉赫奕玄門開飛閣鬱嵯峨隱隱驅千乘闐闐越
星河六龍奮瑤轡文螭負瓊車火丹秉瑰燭素女執瓊

華絳旗若吐電朱一作彩蓋如振霞雲韶何嘈嗷靈鼓鳴

相和停軒佇一作紆高盼眷予在岷峨澤因芳露沾恩附

蘭風加明發相從遊翩翩鸞鷲羅同遊不同觀念子憂
怨多敬因三祝未以爾屬皇娥

七日詠織女

蘇彥

火流涼風至少昊協素藏織女思北泚牽牛嘆南陽時
來嘉慶集整駕巾玉箱瓊珮垂藻蕤霧裾結雲裳金翠

耀華輜駟散流芳釋轡紫微庭解衿碧琳堂歡讌未
及究晨暉照扶桑仙童唱清道盤螭起騰驤悵悵一宵
促遲遲別日長

九月九日

巳酉歲作

陶淵明

靡靡秋已夕淒淒風露交蔓草不復榮園木空自凋清
氣澄餘滓杳然天界高哀蟬無歸響叢雁鳴雲霄萬化
相尋繹人生豈不勞從古皆有沒念之中心焦何以稱
我情濁酒且自陶千載非所知聊以永今朝

九日閒居

余閒居愛重九之名秋菊盈園而持醪靡由空服九華寄懷於言

世短意常多斯人樂久生日月依辰至舉俗愛其名露

淒暄風息氣澈天象明往燕無遺影來鴈有餘聲酒能
祛百慮菊爲制頽齡如何蓬廬士空視時運傾塵爵耻
虛囁寒華徒自榮歛襟獨閒謠緬焉起深情棲遲固多
娛淹留豈無成

冬至

李氏

靈象尋數迴四氣憑運散陰律鼓微陽大明啓脩旦感
與時來興心隨逝化歎式宴集中堂賓客盈朝館

蜡日

陶淵明

風雪送餘運無妨時已和梅柳夾門植一條有佳花我
唱爾言得酒中適何多未能明多少章山有奇歌

七夕 二首

宋孝武帝

白日傾晚照，弦月升初光。
炫炫葉露滿，蕭蕭庭風揚。
瞻言媚天漢，幽期濟河梁。
服箱從奔軺，統綺闕成章。
解帶遽迴軫，誰云秋夜長。
愛聚雙情款，念離兩心傷。
開庭鏡天路，餘光不可臨。
泂風披弱縷，迎輝貫玄鍼。
斯藝成無取，時物聊可尋。

七夕詠牛女

南平王鑠

秋動清風扇，火移炎氣歇。
廣簷含夜陰，高軒通夕月。
安步巡芳林，傾望極雲闕。
組幙縈漢陳，龍駕凌霄發。
誰云長河遙，頗覺一作劇促筵悅。
沈情未申寫，飛光已飄忽。
來

對眇難期，今歡自茲沒。

奉和

謝莊

輟機起春暮，停箱動秋衿。
璇居一作車照漢右，芝駕肅河陰。
容裔泛星道，逶迤濟煙潯。
陸離迎宵佩，倏爍望昏簪。
俱傾環氣怨，共歇浹年心。
珠殿釭未沫，瑤庭露已深。
夕一作夜清豈淹拂，弦輝無久臨。

奉和

謝靈運

火逝首秋節，新明弦月夕。
月弦光照戶，秋首風入隙。
凌峰步曾巖一作岑，憑雲肆遙脉。
徙倚西北庭，竦踊東南覲。
統綺無報章，河漢有駿軌。

奉和

謝惠連

落日隱欄楹升月照簾

一作房

櫳團團蒲葉露析析振條

風蹠足循廣除瞬目矚曾穹雲漢有靈匹彌年闕相從

遐川阻曠愛脩渚曠清容弄杼不成藻聳轡驚前蹤昔

離秋已兩今聚夕無雙傾河易迴幹欵顏

一作情

難久悰

沃若靈駕旋寂寥雲幄空畱情顧華寢遙心逐奔龍沈

吟為爾感情深意彌重

車駕幸京口三月三日侍遊曲阿後湖作

顏延之

虞風載帝狩夏諺頌王遊春方動宸駕望幸傾五州山

祇蹕嶠路水若警滄流神御出瑤軫天儀降藻舟萬軸

胤行衛千翼汎飛浮彫雲麗璇蓋祥飈被綵旂江南進

荆豔河激獻趙謳金練照海浦笳鼓震溟洲藐眄靚青

崖衍漾觀綠疇民靈騫都野鱗翰聳淵丘德禮既普洽

川嶽徧懷柔

三月三日曲水集

謝惠連

四時著平分三春稟融爍遲遲和景婉天天園桃灼携

朋適

一作斯

郊野昧爽

一作旦

辭

廓蜚雲興翠嶺芳飈起

華薄解轡偃崇丘藉草繞迴壑際渚羅時簌託波汎輕

爵

三日遊南苑

鮑照

採蘋及華月追節逐芳雲騰雋溢林疏麗日擘山文清
潭圓翠會花薄緣綺紋合樽遠景斜折榮委組芬

三日

氣暄動思心柳青起春懷時豔憐花藥服淨俛登臺提
觴野中飲愛心一作心愛煙未開露色染春草泉源潔冰苔
泥泥濡露條嫋嫋承風裁鳧雛掇苦薺黃鳥銜櫻梅解
衿欣景預臨流競覆杯美人竟何在浮心空自摧

為織女贈牽牛

顏延之

婺女儷經星姮娥棲飛月慙無二媛靈託身侍天闕閨

闔殊未暉咸池豈沐髮漢陰不夕張長河為誰一作誰是越
雖有促讌期方湏涼風發虛計雙曜周空遲三星沒非
怨杼軸勞但念芳菲歇

七夕月下

王僧達

遠山歛氛侵廣庭揚月波氣往風集隙秋還露泫柯節
氣一作期既已孱一作屏中宵振綺羅來歡詎終夕收淚泣

分河

和王義興七夕

鮑照

宵月向掩扉夜霧方當白寒機思孀婦秋堂泣征客匹
命無單年偶影有雙夕暫交金石心湏更雲雨隔

冬至

舟遷莊甚笑水流孔急歎景移風度改日至晷廻換眇
眇負霜鶴皎皎帶雲鴈長河結欄玕層冰如玉岸哀哀
古老容慘顏愁歲晏催促時節過逼迫聚離散美人還
未央鳴箏誰與彈

冬至

傅亮

星昴殷仲冬短晷窮南陸柔荔迎時萋芳芸應節馥

前題

袁淑

連星貫初曆今日臨首歲薦樂行陰政登金一作贊陽

滯收涼降天德萌華宣地惠司瑞記一作夜晞書雲

朝誓

蜡除

張望

玄靈告稔謝青龍駕拂軫鮮冰迎流結凝雷垂簷實人
欣八蜡暢詎知歲聿盡

七夕

梁武帝

白露月下團秋風枝上鮮瑤臺含碧霧羅幕生紫煙妙
會非綺節佳期乃涼年玉壺承夜急蘭膏依曉煎昔悲
漢難越今傷河易旋怨咽雙念斷悽悼一作兩情懸

正月八日燃燈

應令

簡文帝

藕樹交無極花雲衣數重織竹能為象縛荻巧成龍落

灰然葢盛垂油濕盡峯天宮倘若見燈王願可逢

三月三日率爾成章

芳年多美色麗景復妍遙握蘭唯是旦採艾亦今朝迴
沙溜碧水曲岫散桃夭綺花非一種風絲亂百條雲起
相思觀日照飛虹橋繁華炫姝色燕趙豔妍妖金鞍汗
血馬寶... 翹蘭馨起縠袖蓮錦束瓊腰相看隱綠
樹見人... 玉柱鳴羅薦磔椀泛迴潮洛濱非拾羽
浦握詎貽

奉和

沈約

麗日屬元巳年芳具在斯開花已匝樹流嚶復滿枝洛

陽繁華子長安輕薄兒東出千金堰西臨鴈鶩陂遊絲
應空轉高楊拂地垂綠幘文照耀紫燕光陸離清晨戲
伊水薄暮宿蘭池象筵鳴寶瑟金瓶泛羽卮寧憶春蠶
起日暮桑欲萎長袂屢已拂彫胡方自炊愛而不可見
宿昔減容儀且當忘情去歎息獨何為

上巳侍宴林光殿曲水

簡文帝

芳年留帝賞應物動天襟挾苑連金陣分衢度羽林帷
宮對廣掖層殿邇高岑風旗爭曳影亭臯一作共生陰
林花初墮蒂池荷欲吐心

奉和

沈約

五言古詩 卷二十九 九
宴鎬鏘玉鑾遊汾舉仙輶榮光泛彩旄脩風動芝蓋淑
氣婉登晨天行聳雲旆帳殿臨春籞帷宮繞芳薈漸席
周羽觴分墀引迴瀨穆穆玄化升濟濟皇階泰將御遺
風軫遠侍瑤臺會

奉和

劉孝綽

薰被三陽暮濯禊元巳初皇心睠樂飲帳殿臨春渠豫
遊高夏諺凱樂盛周居復以焚林日丰茸花樹舒羽觴
環堦轉清瀾傍席䟽妍歌巳嘹亮妙舞復紆餘九成變
絲竹百戲起龍魚

奉和

劉孝威

二龍巡夏代八駿馭周朝豫遊光帝則樂飲盛民謠皇
儲遵洛襖濫觴追灞橋掌袂開神籞司馬動鑾鑣周旗
交采眊晉鼓雜清簫旌宮臨廣隰藻衛爍巖椒蘭樽沿
曲岸靈若泝迴潮

七夕穿針

簡文帝

憐從帳裏出想見夜窓開針歆疑月暗縷散怪風來

奉和

劉孝威

縷亂恐風來衫輕羞指現故穿雙眼針持縫合歡扇

奉和

劉遵

步月如有意情來不自禁向光抽一縷舉袖弄雙針

七夕

簡文帝

秋期此時浹長夜徙河靈紫煙凌鳳羽紅光隨玉輶洛陽疑劍氣成都怪客星天梭織來久方逢今夜停

九日

大同八年作

大君重九節下輦上林中酒闌嘉宴罷車騎各西東時余守西掖脂車歸北宮車分獨坐道扇拂冶城風落照塹中蒲浮煙槐外通長樂含初紫安榴拆晚紅

九日賦韻

是節協陽數高秋氣已精簷芝逐月啓帷風依夜清遠燭承歌黛斜橋聞履聲染塵下未息共愛賞心并

三日侍安成王曲水宴

劉孝綽

匯澤良孔殷分區屏中縣躡跨兼流采襟喉邇封甸吾王奄鄴畢析珪承羽傳不資魯俗移何待齊風變東山富遊士北土無遺彥一言白璧輕片善黃金賤餘辰屬上一作元巳清夜追前諺持此陽瀨遊復展城隅宴芳洲

三日侍蘭亭曲水宴

庾肩吾

策星依夜動鸞駕總朝遊旌門臨苑樹相風出鳳樓春生露泥泥天覆雲油油桃花舒玉澗柳葉暗金溝襖川分曲洛帳殿掩芳洲踴躍頰魚出參差絳棗浮百戲俱

臨水千鍾共逐流

曲水聯句

春色明上巳桃花落繞溝波迴厄不進綸下鈎時留臣導

絳水時迴岸花觴轉更周陳肴渡玉俎垂餌下銀鈎王臺

卿迴川入帳殿列俎間芳洲漢艾凌波出江楓拂岸遊

庾肩吾王生迴水碓蔡姬蕩輕舟岸燭斜臨水波光上映

樓殿下

五日望採拾

王筠

裁縫逗早夏點畫守初晨綃紈既妍媚脂粉亦香新長

絲表良節命一作金縷應嘉辰結蘆同楚客採艾異詩人

折花競鮮彩拭露染芳津含嬌起斜盼歛笑動微嚬獻

璫依洛浦懷珮似江濱須待恩光接中夜奉衣巾

七夕

庾肩吾

玉匣卷懸衣針樓開夜屏姮娥隨月落織女逐星移離

前忿促夜別後對空機倩語雕陵鵲填河未可飛

奉使江州舟中七夕

九江逢七夕初弦值早秋天河來映水織女欲攀舟漢

使俱為客星槎共逐流莫言相送浦不及穿針樓

七夕

何遜

仙車駐七襄鳳駕出天潢月映九微火風吹百和香來

五言古詩 卷二十九 十一
權暫巧笑還淚已沾裳一作啼粧依稀如洛汭
倏忽似高唐
別離未得語河漢漸湯湯

七夕穿針

柳惲

代馬秋不歸緇紈無復緒迎寒理衣縫映月抽纖縷的
爍愁睇光連娟思眷聚清露下羅衣秋風吹玉柱流陰
稍已多一作流景對秋夕餘光欲誰與一作難駐

爲織女贈牽牛

沈約

紅粧與明鏡二物本相親用持施點畫不照離居人往
秋雖一照一照復還塵塵生不復拂蓬首對河津冬夜
寒如此寧遽道陽春初商忽云至暫得奉衣巾施衿已

成故每聚忽如新

代牽牛答織女

王筠

新知與生別由來儻相值如何一作豈如寸心中一宵懷兩
事歡娛未繾綣倏忽成離異終日遙相望祗益生愁思
猶想今春悲尚有故年淚忽遇長河轉獨喜涼飈至奔
精翊鳳軫織阿警龍轡

望織女

范雲

盈盈一水邊夜夜空自憐不辭精衛苦河流未可填寸
情百重結一心萬處懸願作雙青鳥共舒明鏡前

詠織女

一作劉孝威

劉孝儀

五言古詩 卷二十九 十三
金鈿已照曜白日未蹉跎欲待黃昏後一作至含嬌渡淺河

答唐娘七夕所穿鍼

劉氏徐排妻

倡人効漢女靚粧臨月華連鍼學並蒂縈縷作開花
嬀閨絕綺羅攬贈自傷嗟雖言未相識聞道出良家
曾停霍君騎經過柳惠車無由一共語暫看日升霞

九日侍宴樂游苑

庾肩吾

轍跡光周頌巡遊盛夏功鉤陳萬騎轉閭闔九關通
秋暉逐行漏朔氣繞相風獻壽重陽節迴鑾上苑中
疏山開輦道間封出離宮玉醴吹巖一作承苑菊銀牀落井桐御

梨寒更紫仙桃秋轉紅飲羽山西射浮雲冀北驄
塵飛金埒滿葉破柳條空騰猿疑矯箭驚鴈避虛弓
彫材濫杞梓花綬接鷓鴣愧乏天庭藻徒參文雅雄

前題

爲西封侯作

何遜

皇德無餘讓重規襲帝勛垂衣化比屋睠顧慎爲君
翺飛悅有道卉木荷平分宸襟動時豫歲序屬涼氛
城霞旦晃朗槐霧曉氤氳鸞輿和八襲鳳駕啓千羣
羽觴懽湛露佾舞奏承雲禁林終宴晚華池物色曛
疏封翻高葉寒流聚細紋晴軒連瑞氣同一作飛惹御香芬日斜迢
遞宇風起嵯峩雲運偶參侯服恩洽厠朝聞於焉藉多

幸歲暮仰遊汾

前題

一云侍宴正陽堂

劉苞

六郡良家子幽并遊俠兒立乘爭飲羽側騎競紛馳鳴
珂飾華珥金鞍映玉羈膳羞殫海陸和齊眡秋宜雲飛
雅琴奏風起洞簫吹曲終高宴罷景落樹陰移微薄承
嘉惠飲德良不貲取効績無紀感恩心自知

前題

任昉

帝德峻韶夏王功書頌平共貫汾五勝獨道邁三英我
皇撫歸運時乘信告成一唱華鍾石再撫被絲笙黃草
歸雒木梯山薦玉榮時來濁河變瑞起温洛清物色動

宸眷民豫

一作務

降皇情

九日

王修已

霜威始落翠寒氣初入堂隋珠爛似燭懸黎疑夜光舞
步因絃折歌聲隨袂揚夜深聞漏緩簷虛覺唱長

九日酌菊酒

劉孝威

露花疑始摘羅衣似適薰餘杯度不取欲持嬌使君

歲盡

應今

庾肩吾

歲序已云殫春心不自安聊開栢葉酒試奠五辛盤金
薄圖神燕朱泥却一作甲鬼丸梅花應可折倩為雪中看

其內人夜坐守歲

徐君倩

歡多情未極賞至莫停杯酒中喜桃子紫裏覓楊梅簾
開風入帳燭盡炭成灰勿疑鬢釵重爲待曉光催

同平南弟元日思歸

陳後主

至德掩義黃成功邁禹湯儀刑元四海來庭盛萬方鳴
玉觀升降擊石乃鏗鏘三春氣色早九疑煙霧長浮雲
斷更續輕花落復香北宮瞻遠岫南服阻遙江爾言想
伊洛我思屬瀟湘

立春日汎舟玄圃各賦一字六韻成篇

春光反禁苑曖日暖源桃霄煙近漠漠暗浪遠滔滔石
苔侵綠蘚岸草發青袍迴歌逐轉檝浮冰隨度刀遙看

柳色嫩迴望鳥飛高自得欣爲樂忘意若臨濠

獻歲立春光風具美汎舟玄圃各賦六韻

寒輕條已翠春初未轉禽野雪明巖曲山花照迴林苔
色隨冰溜樹影帶風沈沙長見水落歌遙覺浦深餘輝
斜四戶流風颺八音旣此留連席逾欣欣放曠心

後禊汎舟春日玄圃各賦七韻

園林多趣賞後禊樂還尋春池已渺漫高枝自從森日
裏絲光動水中花色沈安流淺易榜峭壁迴難臨野鶯
添管響深岫接鏡音山遠風煙麗苔輕激浪侵置酒來
英雅嘉賢良所欽

春色襖辰盡當曲宴各賦十韻

餘春尚芳非中園飛桃李是時乃季月茲日叶上巳既有遊伊洛可以袞溱洧得性足爲娛高堂聊復擬高堂亦有趣圖續此芳軌棲遁稱式驂善政日馴雉蘭桂觀往轍簪裾躡前趾啼禽靜或喧花落低還起水霧遙混襍山雲遠相似坐客聽一言隨吾祛俗鄙

上巳宴麗暉殿各賦一字十韻

芳景滿闌牕暄光生遠阜更以登臨趣還勝袞襖酒日照源上桃風搖城外柳斷雲仍合霧輕霞時映牖遠樹帶山高嬌鶯含響偶一峯遙落日數花飛映綬度鳥或遛檐飄絲屢薄藪言志遞爲樂置鱖方薦壽文學且迺筵羅綺令陳後干戈幸勿用寧須勞馬首

上巳玄圃宣猷堂襖飲同共八韻

綺殿三春晚玉燭四時平藤交近浦暗花照遠林明百戲堦庭蒲八音弦調清鶯喧襍管韻鐘響帶風生山高雲氣積水急溜杯輕簪纓今盛此俊又本多名羣才盡壯思文采發雕英樂是西園日歡茲南館情

上巳玄圃宣猷嘉辰襖酌各賦六韻以次成篇

園開簪帶合亭迴春芳過鶯度遊絲斷風駛落花多峰幽來鳥嘯洲橫擁浪波歌聲初出牖舞影乍侵柯面玉

同釵玉衣羅異草蘿既悅弦筒暢復歡文酒和

七夕宴樂脩殿各賦六韻

秋初芰荷殿寶帳芙蓉開玉笛隨弦上金鈿逐照迴釵
光搖玳瑁柱色輕玫瑰笑靨人前歛衣香動處來非同
七襄駕詎隔一春梅神仙定不及寧用流霞杯

七夕宴玄圃各賦五韻

殿深炎氣少日落夜風清月小看針暗雲開見縷明絲
調聽魚出吹響間蟬聲度更銀燭盡陶暑玉卮盈星津
雖可望詎得似人情

七夕宴

序曰初伏七夕已覺微涼既引應徐且命燕趙清風朗月以望七襄之駕置酒陳樂

各賦四韻之篇

廣席多才俊重合引姝妍管絃檐外響羅綺樹中鮮舉
針還向月上儂復依筵度河將 殿相看併是仙

七夕宴重詠牛女各為五韻

明月照高臺仙駕忽裴徊雷徙聞車度霞上見粧開房
移看動馬斗轉望斟杯靨色隨星去髻影襍雲來更覺
今宵短只遮日輪催

同管記陸瑛七夕五韻

亭亭秋月明團團夕露輕鳳駕今時度霓騎此宵迎疏
上采霞動粉外白雲生故嬌隔分別新歡起舊情含笑

不終夜香風空自停

同管記陸瑜七夕四韻

河漢言清淺相望限煙霄雲生劒氣沒槎還客宿遙月上仍爲鏡星連可作橋唯當有今夕一夜不迢迢

五言同管記陸瑜九日觀馬射

晴朝麗早霜秋景照堂皇
幹慘風威切荷彫池望荒樓
高看鴈下葉散覺山涼
歇霧含空翠新花濕露黃
飛禽接旆影度日轉鉞光連
翻北幽騎馳射西園傍
勒移碼碯色鞭起珊瑚揚
已同過隙遠更異良弓藏
且觀千里汗仍瞻百步楊
非爲從逸賞方追寒外羗

五言畫堂良夜履長在節歌管賦詩迺筵命酒十

韻成篇

季冬初陽始寒氣尚蕭颯
原葉或委低岫雲時吐欲
雕樹乍踈迴遠峰自重沓
雲興四山霾風動萬籟答
蕭蕭凝霜下峩峩層氷合
複殿可以娛於茲多延納
迢迢百尺觀杳杳三休閣
前後訓導屏左右文衛匝
進退簪纓移縱橫壯思禠
幸矣天地泰當無范睢拉

三日待宴宣猷堂曲水

江總

上巳娛春褱芳辰喜月離北宮命簫鼓南館列旌麾
繡柱擎飛閣雕軒傍曲池醉魚沈遠岫浮棗漾清漪
落花

懸度影飛絲不礙枝樹動丹樓出山斜翠磴危禮周羽
爵遍樂闋光陰移

七夕

漢曲天榆冷河邊月桂秋婉變期今夕飄飄渡淺流輪
隨列宿動一作轉路逐彩雲浮橫波翻瀉淚束素友及緘愁
此時機杼息獨向紅粧羞

衡州九日

秋日正淒淒茅茨復蕭瑟姬人薦初醞幼子問殘疾園
菊抱黃華庭榴剖珠寶聊以著書情暫遣他鄉日

於長安歸還揚州九月九日行薇山亭賦一云長安九日

心逐南雲逝一作去形一作身隨北鴈來故鄉一作園籬下

今日幾花一作為誰開

元會

北魏褚縉

帽上箸籠冠袴上箸朱衣不知是今是不知非昔非

晦日汎舟應詔 盧元明

輕灰吹上管落蕙飄下蒂遲遲春色華晚晚年光麗

前題

北齊魏收

裊裊春枝弱關關新鳥呼棹唱忽逶迤菱歌時顧慕睿
賞芳月色宴言忘日暮游豫慰人心照臨康國步

五日

崔巨倫

五月五日時天氣已大熱狗便呀欲死牛復喘吐一作吐

奉和元日

北齊蕭愨

帝宮通夕燎天門拂曙開瑞雲生寶鼎榮光上露臺華

山不凋葉宜城萬壽杯遙見飛鳧下懸知葉縣一作來

人日登高侍宴

陽休之

廣殿麗年輝上林起春色風生拂彫輦雲迴浮綺翼

三日華林園公宴

邢邵

迴鑾自樂野弭蓋屬瑤池五丞接光景七友樹風儀芳

春時欲遽覽物惜將移新萍已冒沼餘花尚滿枝草滋

徑蕪沒林長山蔽虧芳筵羅玉俎激水漾金卮歌聲斷

以一作且續舞袖合還離

五日

魏收

麥涼殊未畢蜩鳴早欲聞喧林尚黃鳥浮天已白雲辟

兵書鬼字神印題靈文因想蒼梧郡茲日祀東君

七夕

邢邵

盈盈河水側朝朝長歎息不恡漸衰苦波流詎可測秋

期忽云至停梭理容色束衿未解帶迴鑾已沾軾不見

眼中人誰堪機上織願逐青鳥去慙因希羽翼

奉和冬至應教

蕭愨

五言古詩 卷二十九
天宮初動磬緹室已飛灰暮風吹竹起陽雲覆石來拆
水開荔色除雪出蘭栽慙無宋玉辨濫吹楚王臺

蜡節

魏收

凝寒迫清祀有酒宴嘉平宿心何所道藉此慰中情

正旦上司憲府

周庾信

詰旦啓門闌繁辭湧筆端蒼鷹下獄吏獬豸飾刑官司
朝引玉節盟載捧珠盤窮紀星移次歸餘律未殫雪高
三尺厚水深一丈寒短筭猶埋竹香心未起蘭孟門久
失路扶搖忽上搏栖烏還得府棄馬復歸欄榮華名義
重虛薄報恩難枚乘還起疾貢禹遂彈冠方垂蓮葉劍
未用竹根丹一知懸象法誰思垂釣竿

和人日晚景宴昆明池

春餘

一作餘春

足光景趙李舊經過上林柳腰細新豐酒徑

一作

多小船行釣鯉新盤待摘荷蘭臯徒稅駕何處有

凌波

九日從駕

王褒

黃山獵地廣青門官路長律改三秋節氣應九鍾霜曙
影初分地暗色始成光高旆長楸坂緹幕杏間堂射馬
垂雙帶豐貂佩兩璜苑寒梨樹紫山秋菊葉黃華露霏
霏冷輕颺颯颯涼終慙屬車對空假侍中郎

獻歲讌宮臣

隋煬帝

三元建上京六佾宴吳城朱庭容衛肅青天春氣明朝
光動劔綵長階分珮聲酒闌鐘磬息欣觀禮樂成

奉和

虞世南

履端初起節長苑命高筵肆夏喧金奏重潤響朱絃春
光催柳色日彩泛槐煙微臣同濫吹謬得仰鈞天

正月十五日于通衢建燈

煬帝

法輪天上轉梵聲天上來燈樹千光照花燄七枝開月
影凝流水春風含夜梅旛動黃金地鍾發琉璃臺

奉和

諸葛穎

芳衢澄夜景法炬爛參差逐輪時徒燄桃花生落枝飛
煙繞定室浮光映瑤池重閣登臨罷歌管乘空移

冬至乾陽殿受朝

煬帝

北陸玄冬盛南至晷漏長端拱朝萬國守文繼百王至
德慙日用治道愧時康新邑建嵩嶽雙闕臨洛陽圭景
正八表道路均四方碧空霜華淨朱庭皎日光纓珮旣
濟濟鐘鼓何鏗鏗文戟翊高殿采眊分脩廊元首乏明
哲股肱貴惟良舟楫行有寄庶此王化昌

奉和

牛弘

恭已臨萬寓宸居御八埏作貢菁茅集來朝圭黻連司

儀三揖盛掌禮九賓虔重欄映如壁複殿繞非煙

奉和

許善心

森森羅陛衛戡噉鏘璫珎禮殫五瑞輯樂闕九功成

奉和從叔光祿愔元日早朝

李孝貞

銅渾變春節玉律動年灰曖曖城霞旦隱隱禁門開衆
靈湊仙府百神朝帝臺葉令雙鳧至梁王駟馬來戈鋌
映林闕歌管沸塵埃保章望瑞氣尚書滅火災冠冕多
秀士簪裾饒上才誰憐張仲蔚日暮返蒿萊

人日思歸

薛道衡

入春纔七日離家已二年人歸落鴈後思發在花前

上巳禊飲

盧思道

山泉好風口

一作景

城市厭囂塵聊持一樽酒共尋千里

春餘光下幽桂夕吹舞青蘋何言出關後重有入林人

七夕

二首

王春

天河橫欲曉鳳駕儼應飛落月移粧鏡浮雲動別衣懽
逐今宵盡愁隨還路歸猶將宿昔淚更上去年機
終年恒美杼今夕始停梭卻鏡看斜月移車渡淺河長
裙動星珮輕帳揜雲羅舊愁雖暫止新愁還復多

七夕看新婦隔巷停車

一作陳伯材

陳子良

隔巷遙停幘非復爲來遲只言更尚淺未是渡河時

歲窮 應教

薛道衡

故年隨夜盡初春逐曉生方驗從軍樂飲至入西京

詩所第三十卷

五言古詩

夏詩

魏文帝

夏時饒溫和避暑就清涼北坐高閣下延賞作名倡嘉
殺重叠來珍果在一傍碁局從橫陳博奕合雙揚功出
更勝負歡美樂人腸從朝至日夕安知夏節長

秋詠

劉楨

秋風從東來玄雲升西山中夜發此氣明日飛甘泉

前題

應璩

窮秋日苦短遙夜何緜緜貧士感此時慷慨不能眠

春詠

一作鮑照

晉陸機

五言古詩 卷三十
節運同可悲莫若春氣甚和風未及燠遺涼清且凜

前題

張協

太昊啓東節春郊禮青祗鷹化日夜分雷動寒暑離飛
澤洗冬條浮飈解春漸采虹纓高雲文虬鳴陰池沖氣
扇九垓蒼生衍四垂時至萬寶成化周天地移

前題

郭璞

青陽暢和氣谷風穆以溫英蒞曄林蒼昆蟲咸啓門高
臺臨迅流四坐列王孫羽蓋停雲陰翠鬱映玉樽

夏日

羲和騁丹衢朱明赫其猛融風拂晨霄陽精一何罔閒

宇靜無娛端坐愁日永

前題

李頤

炎光爍

一作
爍

南溟溽暑融三夏靈靈重雲蔭砰稜震靈

叱

苦熱

傅玄

朱明運將極溽暑晝夜興裁動四支廢舉身若山陵珠
汗洽玉體呼吸氣鬱蒸塵垢自成泥素粉隨手凝

夏日和胡西曹

示顧賊曹

陶淵明

蕤賓五月中清朝起南颺不駛亦不遲飄飄吹我衣重
雲蔽白日閒雨紛微微流目視西園曄曄榮紫葵於今

甚可愛奈何當復哀感物願及時每恨靡所揮悠悠待
秋稼寥落將賒遲逸想不可淹猖狂獨長悲

秋詠

一云爲顧彥先作

陸機

蕭蕭素秋節湛湛濃露凝太陽夙夜降少陰忽已升

前題

張載

靈象運天機日月如激電秋風兼夜戒微霜淒舊院嘉
禾頡蘭圃芳草悴芝畹嚶嚶南翔鴈翩翩辭歸燕玉肌
隨爪素噓氣應口見斂襟思輕衣出入忘華扇覩物識
時移顧景知節變

前題

江道

祝融解炎轡薜收起涼駕高風催節變凝露督物化長
林悲素秋茂草思朱夏鳴鴈薄雲嶺蟋蟀吟深榭寒蟬

向

一作竟

夕號驚飈激中夜感物增人懷悽然無欣暇

秋日

孫綽

蕭瑟仲秋日飈唳風雲高山居感時變遠客興長誼疎
林積涼風虛岫結凝霄湛露灑庭林密葉辭榮條撫菌
一作悲先落鬱一作鬱松羨後凋垂綸在林野交情遠市
朝澹然懷古心濠上豈伊遙

咏冬

傅玄

季冬時慘烈猛寒不可勝嚴風截人耳素雪墜地凝草

上飛霜起波水自生冰未夕結重衾崇朝不敢興

前題

一云冬至

潘尼

渾儀賦四氣玉衡運招搖靈晷脩斯夕日南始令朝

前題

曹毗

緜邈冬夕

一作宵

永凜厲寒氣升離葉向晨落長風振條

興夜靜輕響起天清月暉澄寒冰盈渠結素霜竟欄凝

今載忽已暮來紀

一作正

奄復仍

感冬篇

李顥

高陽攬玄轡太皞御冬始望舒游天策曜靈協燕紀

初秋

宋孝武帝

夏盡炎氣微火息涼風生綠草未傾色白露已盈庭遠

視秋雲發近聽寒蟬鳴運移矜物化川上感餘情

秋夜

局景薄西隅升月照東垂肅肅風盈幕泫泫露傾枝側

聞飛壺急坐見河宿移覩辰念節變感物矜乖離

春思

謝惠連

夕坐苦多慮行歌踐閨中房櫳引傾月步檐結春風

春羈

鮑照

征人歎道遐去鄉悵路邇佳期每無從淮陽非尺咫春
日起游心勞情出徙倚岫遠雲煙綿谷屈泉靡迤風起

花四散露濃條
暄妍正在茲
摧抑多嗟思
嘶聲名

一作邊堅豈我箱中紙
染翰餉君琴
新聲憶解子

夏夜
呈從兄散騎車長沙

顏延之

炎天方埃鬱暑晏
闕塵紛獨靜闕
偶坐臨堂對星分
側聽風薄木遙睇
月開雲夜蟬當夏
急陰蟲先秋聞歲
候初過半荃蕙豈
久芬屏居惻物變
慕類抱情殷九逝
非空思七襄無成文

秋懷

謝惠連

平生無志意
少小嬰憂患
如何乘苦心
矧復值秋晏
皎天月明奕奕
河宿爛蕭瑟
含風蟬寥唳
度雲鴈寒商

動清閨孤燈暖
幽幔耿介繁
慮積展轉長
宵半夷險難
預謀倚伏昧
前算雖好相
如達不同長
卿慢頗悅鄭
生偃無取白
衣宦未知古
人心且從性
所翫賓至可
命觴朋來當
染翰高臺驟
登踐清淺一作波
時陵亂頽
鬼不再圓傾
羲無兩日金
石終銷毀丹
青暫彫煥各
勉玄髮歡無
貽白首歎因
歌遂成賦聊
用布親串

詠秋

鮑照

秋蘭徒晚綠
流風漸不親
飈我垂恩幕
驚此梁上塵
沈陰安可久
豐景將遂淪
何由忽靈化
暫見別離人

秋夜
二首

五言古詩 卷三十 五
夜久膏旣竭啓明日未央環情倦始復空閨一作起晨
裝幸承天光轉曲影入幽堂徘徊集通隙宛轉燭迴梁
惟風自卷舒簾露視成行歲役急窮晏生慮備溫涼絲
紈夙染濯綿綿夜裁張冬雪旦夕至公子乏衣裳華心
愛零落非直惜容光願君翦衆念且共覆前觴
遁跡避紛喧貨農棲寂寞荒徑馳野鼠空庭聚山雀旣
遠人世歡還賴泉卉樂折柳樊場圃負綆汲潭壑霽日
見雲峯風夜聞海鶴江介早寒來白露先秋落麻壘方
結葉瓜田已掃籜傾暉忽西下迴景思華幕攀蘿席中
軒臨觴不能酌終古自多恨幽悲共淪鑠

秋日

示休上人

枯桑葉易零疲客心易驚今茲亦何早已聞絡緯鳴迴
風滅且起卷蓬息復征愴愴簞上寒悽悽帳裏清物色
延暮思霜露逼朝榮臨堂觀秋草東西望楚城百物方
蕭瑟坐歎從此生

秋夕

慮涕擁心用夜默發思機幽閨溢涼吹閒庭滿清暉紫
蘭花已歇青梧葉方稀江上淒海戾漢曲驚朔霏髮斑
悟壯晚物謝知歲微臨宵嗟獨對撫賞怨情違躊躇空
明月惆悵徒深帷

五言古詩 卷三十一
和王護軍秋夕

散漫秋雲遠蕭蕭霜月寒驚飈西北起孤鴈夜往還開
軒當戶牖取琴試一彈停歌不能和終曲久辛酸金氣
方勁殺隆陽微且單泉涸甘井竭節徙芳歲殘生事各
多少誰共知易難投章心蘊結千里途輕紈願託孤老
暇觴思暫開餐

詠冬

謝惠連

七宿乘運曜三星與時滅履霜冰彌堅積寒風愈切繁
雲起重陰迴飈流輕雪園林粲斐皓庭除秀皎潔墀瑣
有凝汗一作逵衢無通轍

冬日

鮑照

嚴風亂山起白日欲還次曛霧蔽窮天夕陰晦寒地煙
霾有氛氲精光無明異風急野田空饑禽稍相棄舍生
共通閉懷賢敦爲利天窺苟平圓盍得已偏媚瀉海有
歸潮衰容不還稚君今且安歌無念老方至

歲暮

謝靈運

殷憂不能寐苦此夜難頽明月照積雪朔風勁一作清且
哀運往無淹物年逝覺已一作易催

歲暮悲

鮑照

霜露迭濡潤草木互榮落日夜改運周今悲復如昨晝

五言古詩 卷三十一 七
色苦沈陰白雪夜迴薄
皦潔宵霜鴈飄揚出風鶴
天寒多顏苦妍容逐丹壑
絲罥千里心獨宿乏然諾
歲暮美人還寒壺與誰酌

春詩 二首

齊王儉

蘭生已匝苑萍開欲半池
輕風搖雜蘼細雨亂叢枝
風光承露照霧色點蘭暉
青莢結翠藻黃鳥弄春飛

春思

謝朓

茹谿發春水阡山起朝日
蘭色望已同萍際轉如一
巢燕聲上下黃鳥弄儔匹
邊郊阻遊行故人盈契濶
夢寐借假簧思歸頰倚瑟
幽念漸鬱陶山楹永爲室

夏始和劉滸陵

威仰弛蒼郊龍曜表皇隰
春色卷遙甸炎光麗近邑
白蘋望已騁緗荷紛可襲
徒願尺波旋終憐寸景戢
對窻斜日過洞幌鮮飈入
浮雲去欲窮暮鳥飛相及
柔翰縝芳塵清源非易揖
迴江難絕濟云誰暢佇立
良宰勗夜漁出入事朝汲
積羽余旣裳更賦子盈粒
椅梧何必零歸來共棲集

夏日 一云出下館

麥候始清和涼雨銷炎燠
紅蓮搖弱荇丹藤繞新竹
物色盈懷抱方駕娛耳目
零落旣難留何用存華屋

秋夜

秋夜促織鳴南鄰
搗衣急思君
隔九重
夜夜空佇立
北窗輕幔垂
西戶月光入
何知白露下
坐視階前濕
誰能長分居
秋盡冬復及

冬緒羈懷

示蕭詒議虞田曹劉江二常侍

去國懷丘園
入遠滯城闕
寒燈耿宵夢
清鏡悲曉髮
風草不留霜
冰池共如月
寂寞此閒帷
琴尊任所對
客念坐嬋媛
年華稍菴葳
夙慕雲澤遊
共奉荆臺績
一作一聽春鶯喧
再視秋虹沒
疲驂良易返
恩思
波不可越
誰慕臨淄鼎
常希茂陵渴
依隱幸自從
求心果蕪昧
方軫歸與願
故山芝未歇

寒晚敬和何徵君點

王融

踈酌候冬序
閒琴改秋律
如何將暮天
復值西歸日
搖落迎軒牖
飛鳴亂繩草
煙灌共深陰
風篁兩蕭瑟
虛堂無笑語
懷君首如疾
早輕北山賦
晚愛東臯逸
上德可潤身
下澤有徐轡

春日想上林

梁簡文帝

春風本自奇
楊柳最相宜
柳條恒著地
楊花好上衣
處處春心動
常惜光陰移
西京董賢館
南宛習都池
荇間魚共樂
桃上鳥相窺
香車雲母幃
駸馬黃金羈

春日 二首

年還樂應滿春歸思復生桃含可憐紫柳發斷腸青落
花隨燕入游絲帶蝶驚邯鄲歌管地見許欲留情
花開幾千葉水覆數重衣蝶颺縈空舞燕作同心飛歌
妖弄曲罷鄭女挾琴歸

晚春 一作昭明

紫蘭葉初滿黃鶯弄不始一作稀石蹲還似獸蘿長更一作勝
如衣水曲一作凍文魚聚林暝鴉鳥飛渚蒲變新節巖
桐長舊圍風花落未已山齋開夜扉

和湘東王首夏

冷風雜細雨垂雲助麥涼竹水俱葱翠花蝶兩飛翔燕
泥銜復落鷓吟歛更揚臥石藤為纜山橋樹作梁欲待
華池上明月吐清光

納涼梧下

斜日晚駸駸池塘生半陰避暑高梧側輕風時入襟落
花還就影驚蟬乍失林遊魚吹水沫神蔡上荷心翠竹
垂秋采丹棗映疎砧無勞夜遊曲寄此託微吟

奉和

庾肩吾

北園涼氣早步輦暫逍遙避日交長扇迎風列短簫山
帶彈琴曲桐橫棲鳳條懸門開溜水錦石鎮浮橋黑米

生菰葉

一作葑

青花出稻苗無因學儂藻雲氣徒飄颻

玄圃納涼

簡文帝

登山想劍閣逗浦憶辰陽飛流如凍雨夜月似秋霜螢
翻競晚熱蟲思引秋涼鳴波如礙石闇草別蘭香

奉和

劉綏

清氣流暄濁非關狹室中當由小堂上自有大王風蟪
蛄動蘭室神飈起桂叢披襟深睿賞曲巷何由同

薄晚逐涼北樓迴望

簡文帝

平衢望如掌曾雉曉相連斷雲留去日長山減半天戲
鳧乘汛下漁舟冒浪前

奉和

庾肩吾

向夕紛誼屏追涼飛觀中樹影臨城日牕含度水風遙
天如接岸遠帆似凌空陪文慙宋玉徒等待蘭宮

晚景納涼

簡文帝

日移涼氣散懷抱信悠哉珠簾影空捲桂戶向池開鳥

一作鳥

棲星欲見河淨月應來橫階入細笋蔽地濕輕苔

草化飛爲火蚊聲合似雷於茲靜聞見自此歇氛埃

奉和

劉孝威

鐘鳴夜未央避暑起徬徨長河似曳素明星若散璫倚
巖欣石冷臨池愛水涼月織張敞畫荷妖韓壽香對此

五言古詩 卷三十一
遊清夜何勞娛洞房

初秋

簡文帝

羽翬晨猶動珠汗晝恒揮秋風忽嫋嫋向夕引涼歸浮
陰卽染浪清氣始乘衣卷幌通河色開窓引一作望月輝
晚花欄下照疎螢簾上飛直置猶如此何況送將歸

秋詠

大同九年七月作

高樓闌左扇迴望依蘭橈晚風颺颺來落照參差好

秋夕

螢飛夜的的蟲思夕嘒嘒輕露沾懸井浮煙入綺寮檐
重月沒早樹密風聲饒池蓮翻罷葉霜篠生寒條端坐

彌茲漏離憂積此宵

秋夜

高秋

一作盲風

度函谷墜露下芳枝綠潭倒雲氣青山銜月

規花心風上轉葉影樹中移

一作危

外遊獨千里夕嘆誰

共知

奉和

沈約

月落宵向分紫烟鬱氛氲暄螢入霧離離鴈度雲巴
童暗理瑟漢女夜縫裙新知樂如是久要詎相聞

秋晚

簡文帝

浮雲出東嶺落日下西江促陰橫隱壁長暉斜度窓亂

五言古詩 卷三十一
十二
霞圓綠水紅葉影飛缸

奉和

上黃侯擘

副君乘暇景臨秋坐北宮杏梁照初月蓮池引夕風清
暉洞藻井流香入綺櫳鵲聲時徙樹螢光乍滅空涼氛
散篔簹席露色變林叢

初冬

大同十年十月戊寅作

簡文帝

喧塵是時息靜坐對重巒冬深柳條落雪後桂枝殘星
明霧色淨天白鴈行單雲飛乍想閣冰結遠疑紈晚橘
隱重屏枯藤帶迴竿荻陰連水氣山峯添一作月寒

冬夕

大同十一年庚戌作

茲園植藝積山谷久紆威直興轉多緒真事亦因依是
節嚴冬景寒雲掩落暉遠聞風瑟瑟亂視雪霏霏浪起
川難渡林深人至稀山禽背逕走野鳥歷塘飛

玄圃寒夕

洞門扉未掩金壺漏已催曛煙生澗曲暗色起林隈雪
花無有帶冰鏡不安臺堦楊始倒插浦桂半新栽陳根
委落蕙細葢一作葉一作祭香梅鴈去銜蘆上獺戲繞枝來

春日

元帝

春還春節美春日春風過春心日日異春情處處多處
處春芳動日日春禽變春意春已繁春人春不見不見

五言古詩 卷三十一
懷春人徒望春光新春愁春自結春結詎能申欲道春
園趣復憶春時人春人竟何在空爽上春期獨念春花
落還以惜春時

奉和

鮑泉

新鶯始新歸新蝶復新飛新花滿新樹新月麗新輝新
光新氣早新望新盈抱新水新綠浮新禽新聽好新景
自新還新葉復新攀新枝雖可結新愁詎解顏新思獨
氛氳新知不可聞新扇如新月新葢學新雲新落連珠
淚新點石榴裙

和劉上黃春日

元帝

新鶯隱葉轉新燕向窻飛柳絮時依酒梅花乍入衣玉
珂逐風度金鞍映日暉無令春色晚獨望行人歸

望春

葉濃知柳密花盡覺梅疎蘭生未可握蒲小不堪書

納涼

高春斜日下佳氣滿欄楹池紅早花落水綠晚苔生星
稀月稍上雲開河尚橫白鳥翻帷暗丹螢入帳明珠碁
趨北閣玳席徙南榮金鋪掩夕扇玉壺傳夜聲

春思

沈約

楊柳亂如絲綺羅不自持春草黃復綠客心傷此時青

五言古詩 卷三十一 十四
苔已結洧碧水復盈淇日華照趙瑟風色動燕姬襟前
萬行淚故是一相思

前題

一作吳均

王僧孺

雪罷枝即青冰開水便綠復聞黃鳥聲全作相思曲

初春

沈約

夾一作扶道覓陽春相將共携手草色猶自腓林中都未
有無事逐梅花空教信楊柳且復共歸來含情寄杯酒

傷春

弱草半抽黃輕條未全綠年芳被禁籞煙花繞層曲寒
苔卷復舒冬泉斷方續早花散凝金初露泫成玉

登高望春

登高眺京洛街巷紛漠漠迴首望長安城闕鬱盤桓日
出照鈿黛風過動羅紈齊童躡朱履趙女揚翠翰春風
搖襍樹歲蕤綠且丹寶瑟玫瑰柱金羈玳瑁鞍淹留宿
下蔡置酒過上蘭解眉還復斂方知巧笑難佳期空靡
靡含睇未成歡嘉客不可見因君寄長歎

東郊望春

訓王建安雋

蕭子雲

金塘綠泉滿上園梨蕊落蛺蝶戀殘花黃鶯對妖一作餘
萼芳菲滿郊甸惠風生蘭薄子家冠蓋里我館幽棲郭
綠楊垂長溪便橋限清洛相去能幾許一水終疎索

當春四韻同 左丞

江淹

雷萌山中草雲煦江上花流烟漾璇景輕風泛凌霞我
有幽蘭念銜意矚望斜友人殊未還獨慰簷前華

惜晚春

應劉秘書

煙景抱空意蘅杜綴幽心心憂望碧葉涵影顧清林風
光多樹色露華翻蕙陰水苔方下蔓石蘿日上尋霞衣
已具帶仙冠不持一作待簪徒爲多委鬱精鬼還自臨始
獲瓊歌贈一點重如金山中有雜桂玉瀝乃共斟

感春冰遙和謝中書

二首

江臯桐始華歛衣望邊亭平原何寂寂島暮蘭紫莖芬

披好草合流爛新光生冰雪徒皦潔此焉空守貞
暮意歌上春悵哉望佳人擘洲之宿莽命爲瑤桂因觀
書術不變學古道恒真若作商山客寄謝丹水濱

春郊

虞羲

光風轉蕙晦香霧鬱蘭津暄遲蝶弄藹景麗鳥和春樵
歌暄壟暮漁樵亂江晨山中芳杜若依依獨思人

春遊

應教

蕭子暉

上林看草色河橋望日暉洛陽城閉晚金鞍橫路歸

前題

王筠

藜蘭已飛蝶楊柳半藏鴉物色相煎蕩微步出東家旣

同翡翠翼復如桃李花欲以千金笑迴君流水車

春日 二首和吳主簿

日照鴛鴦殿萍生鴈鷺池游塵隨影入弱柳帶風垂青

骹一作鵝逐黃口獨一作別鶴慘羈雌同衾遠遊說結愛久

相離於今方溘死寧湏萱草枝

菴菴心未發薜蘿葉欲齊春蠶方曳緒新燕正銜泥野

雉呼鷓鴣庭禽挾子棲從君客梁後方晝掩春閨山川

隔道里芳草徒萋萋

春詠

金堤草非舊玉池泉已新風生似羊角雲上若魚鱗幽

閨多怨思停織坐嬌春芳華既零落方作向隅人

前題

吳均

春從何處來拂水復驚梅雲障青瑣闥風吹承露臺美

人隔千里羅幃閉不開無由得共語空對相思杯

前題

蕭頊

淵水初流碧山櫻早發紅新禽爭弄響落葉亂從風拂

筵多軟榦映戶悉花叢誰云相去遠垂柳對高桐

前題

庾肩吾

桃紅柳絮白照日復隨風影出朱城外香歸青殿中水

映寄生竹山橫半死桐頌文知渥重搦札媿才空

奉和春夜 應令

春牖對芳洲珠簾新上鈎燒香知夜漏刻燭驗更籌天

禽一作雞下北閣一作闕織女入西樓月皎疑非夜林疎似

更秋水光懸蕩壁山翠下添流詎假西園讌無勞飛蓋

遊

夏詩 一作徐拙

徐勉

夏景厭房櫳促席翫花叢荷陰斜合翠蓮影對分紅此
時避炎熱清樽獨未空

夏日

徐惲

炎光歇中宇清氣入房櫳晚荷猶卷綠疎蓮久落紅

夏夜獨坐

蕭子範

節序值徂炎茲宵在三伏憑軒佇涼氣中筵倦煩燠寂
寞對空窻清踈臨夜竹蟲音亂堦草螢光繞庭木簾月
度斜輝風光起餘馥一傷年志罷長嗟逝波速

夏潦省宅

任豫

風棹出天街星言指沈室頓楫俄毀垣惻然悼窮陌春
為發大道夏為激潮折貴者陋懷居鄙人安朝夕生長
數十載幸祐見衰白堂遺孤孩音庭餘筭齒迹入似聚
族慰出為里仁惜

苦暑

王筠

五言古詩 卷三十一
日坂一作城散朱雱天隅歛青靄飛颺一作光煥南陸炎津
通北瀕繁星聚若珠密雲屯似蓋月至每開襟風過時
解帶

前題

劉孝威

暮日苦炎溽遷坐接階廊月麗姮娥影星含織女光棲
禽動夜竹流螢出閨墻香盤糝鮮粉雕壺承玉漿白羽
徒垂握綠水自周堂弱紈猶覺重織絺尚少涼弄風思
漢朔戲雨憶吳王玄冰術難驗赤道漏猶長誰能更吹
律還令黍谷涼

秋夕納涼奉和刑獄舅

江淹

蕭條晚秋景旻雲承景斜虛堂起青靄崦嵫生暮霞空
居寂以欵左右自幽歌騎星謝屐一作箕尾濯髮慙陽阿
年歎玄圃壁歲減天津波金簫哀夜長瑤琴怨暮多四
時通信黯春風日夜過楚水徒有蘭憂至竟如何

郊外望秋

答殷博士

白露掩江臯青滿平地蕪長夜亦何際銜思久踟躕企
余重蘭貝清才富金瑜獨艷始東山擅麗終西都雲精
無永滯水碧豈慙濡屬我茲景半賞爾若光初折麻異
離羣紉蕙非索居頻贈旣雅歌還懷諒短書

奉和便省餘秋

庾肩吾

五言古詩 卷三十一 十九
前對金精坂傍臨圓水池照影礙浮葉看山通迥枝鴈
行連霧盡雨足帶雲移

秋日愁居

答孔主簿

王僧孺

首秋雲物善晝暑日猶清日華隨水汎樹影逐風輕依
簾野馬合當戶昔耶生物我一無際人鳥不相驚儻過
北山北聊訪法高僧

秋念

吳均

團團珠暉轉炤炤漢陰移箕風入桂露璧月滿一作瑤
池樹青草未落蟬涼葉已危還深長夜想顧憶臨卣卮
芳杜果蕪沒纓帶欲何爲

秋日

鮑泉

露色已成霜梧楸欲半黃燕去欄恒靜蓮寒池不香夕

鳥飛向月

一作日

餘蚊聚逐光旅情恒自苦秋夜漸應長

冬夜和殷長史

江淹

冬盡綵葉暮金石亦懷傷冰鱗不能起水鳥望川梁客
子仿永夜寂寞幽意長臥歇丹丘采坐失曾泉光結眉
慘成慮銷憂非羽觴此心莫可緩清芷在沅湘

冬盡難離和丘長史

閒居深悵悵颼寒拂中閨寶禮自千里縑

一作緘

書果君

題山川吐幽氣雲景抱長懷茲別亦爲遠潮瀾鬱東西

汀臯日慘色桂闈猿方啼
擊意誰侘僚屑涕在心垂
杜蘅念無沫石蘭終不睽
異總歲暮駕遊行蒼山蹊

舟中寒望

庾肩吾

日暮敞鳧舟曾冰合駛
流雪照齊君履寒入楚王裘

暮寒

劉氏

梅花自爛熳百舌早迎春
逾寒衣逾薄未肯惜腰身

春情

陳徐陵

風光今日動雪色故年殘
薄夜迎新節當鑪却晚寒
竒

一作香分細霧
石炭擣輕紈竹葉裁衣帶
梅花奠

酒盤年芳袖裏出春色
黛中安欲知迷下蔡先將過上

蘭

春日

岸煙起暮色岸水帶斜暉
逕狹橫枝度簾搖驚燕飛
落花承步履流澗寫行衣
何殊九枝葢薄暮洞庭歸

前題

江總

水苔宜溜色山櫻助落暉
浴鳥沈還戲飄花度不歸

內園逐涼

徐陵

昔有北山北今余一作來
東海東納涼高樹下直坐落花

中狹徑長無跡茅齋本自空
提琴就竹篠酌酒勸梧桐

立秋

周弘讓

五言古詩 卷三十一
茲辰戒流火商飈早已驚雲天改夏色木葉動秋聲
和衡陽王秋夜 張正見

睢苑涼風舉章臺雲氣收螢光連燭動月影帶河流綠
綺朱弦汎黃花素蟻浮高軒揚麗藻卽是賦新秋

春日

北齊陽休之

遲遲暮春日靄靄春光上柔露洗金盤輕綵綴珠網漸
看階蔭蔓稍覺池蓮長蝴蝶映花飛楚雀緣條響

春庭晚望

蕭愨

春庭聊縱望樓臺自相隱窻梅落晚花池竹開初筍泉
鳴知水急雲來覺山近不愁花不飛到畏花飛盡

秋思

清波收潦日華林鳴籟初芙蓉露下落楊柳月中踈燕
幃細綺被趙帶流黃裾相思阻音息一作信結夢感離居

奉和初秋西園

應教

池亭三伏後林館九秋前清泠間泉石散漫雜風煙菓
開千葉影榴艷百枝然約頰停飛旆凌波動畫船

和司徒鎧曹陽辟疆秋晚

葉疎知樹落香盡覺荷衰山藪良多思田園聊復歸

秋詩

陽休之

日照前窻竹露濕後園薇夜蛩扶砌響輕蛾遶燭飛

冬日傷志篇

邢邵

昔時情遊士任性少矜裁朝驅馳一作瑪瑙勒夕銜熊耳

杯折花步贈一作淇水撫瑟望叢臺繁華夙昔改衰病一

時來重以三冬月愁雲聚復開天高日色淺林勁鳥聲

哀終風激簷宇餘雪滿條枚遨遊昔宛洛踟躕今草萊

時事方去矣撫已獨傷懷

作懷哉

春望

一作陳後主

周宗懍

日暮春臺望徙倚愛餘光都尉新移棗司空始種楊一
枝猶桂馥十步有蘭香望望無萱草忘憂竟不忘

前題

庾信

春望上春臺春窓四面開落花何假拂風吹會併來

和歲首寒望

宗懍

旅騎出平原鉦鏡遍野喧接里開都邑連車駐小門稻
車迴故塢獵馬轉新村古碑空戴石山龕未上幡所言
春不至未有桃花源

早春

昨暝春風起今朝春氣來鶯鳴一兩轉花樹數重開散
粉成初蝶剪綵作新梅遊客傷千里無暇上高臺

奉和夏日

應令

庾信

朱簾捲麗日翠幕蔽重陽五月炎蒸氣三時刻漏長麥

隨風裏熟梅逐雨中黃開水帶井水和粉雜生香衫含
蕉葉氣扇動竹花涼早菱生軟角初蓮開細房願陪仙
鶴舉洛浦聽笙簧

奉和初秋

落星初伏火秋霜正動鍾北閣連橫漢南宮應鑿龍祥
鸞棲竹實靈蔡上芙蓉自有南風曲還來吹九重

晚秋

淒清臨晚景疎索望寒階濕庭凝墜露搏風卷落槐日
氣斜還冷雲峯晚更霾可憐數行鴈點點遠空排

和裴儀同秋日

蕭條依白社寂寞似東臯學異南宮敬貧同北郭騷蒙
吏觀秋水萊妻紡落毛旅人嗟歲暮田家厭作勞霜天
林木燥秋氣風雲高栖遑終不定方欲涕沾袍

秋日

蒼茫望落景羈旅對窮秋賴有南園菊殘花足解愁

和潁川公秋夜

沈寥空色遠葉黃淒序變洞浦落遵鴻長飈送巢燕千
秋流夕景百籟含宵嘒峻雉聆金柝曾臺切銀箭

和殷廷尉歲暮

王褒

歲晚悲窮律他鄉念索居寂寞灰心盡摧殘生意餘產

五言古詩 卷三十一 二十四
空交道絕財殫密親疎空悲趙壹賦還著虞卿書

晚春

隋煬帝

洛陽春稍晚四望滿春暉楊葉行將暗桃花落未稀窺
簷燕爭入穿林鳥亂飛唯當關塞者溽露方霑衣

悲秋

故年秋始去今年秋復來露濃山氣冷風急蟬聲哀鳥
擊初移樹魚寒欲隱苔斷霧時通日殘雲尚作雷

冬夜

不覺歲將盡已復入長安月影含冰凍風聲淒夜寒江
海波濤壯嶠潼坂險難無因寄飛翼徒欲動和鑾

初夏

應詔

魏澹

雖度芳春節物色尚餘華出簾飛小燕映戶落殘花舞
衫飄細縠歌扇掩輕紗蘭房本宜夜不畏日光斜

梅夏

應教

薛道衡

長廊連紫殿細雨應黃梅浮雲半映一作空上清吹隔池

來集鳳桐花散勝龜蓮葉開幸逢爲善樂頻降濟時才

夏晚

流火稍西傾夕影遍曾城高天澄遠色秋氣入蟬聲

夏日

李德林

夏景多煩蒸山水暫追涼桐枝覆玉檻荷葉滿銀塘輕

五言古詩 卷三十一 二十五
扇搖明月珍簾拂流黃壺盛仙客酒瓶貯帝臺漿才人
下銅雀侍妓出明光歌聲越齊市舞曲冠平陽微風動
羅帶薄汗染紅粧共欣陪宴賞千秋樂未央

奉和悲秋

應令一作蕭愨

王胄

秋天擬文學秋水擅莊蒙草濕兼葭露波卷洞庭風便
坐翻桑葉長坂歇蘭蓂簷喧猶有燕陂靜未來鴻蟬噪
聞疑斷池清映似空劉安悲落木曹植歎征蓬重明豈
凝滯無累在淵冲隨時四序合應物五情同發言形惻
隱睿作挺神功下材均朽木何以慕彫蟲

秋日

應詔


袁朗

玉樹涼風舉金塘細柳萎葉落商飈觀鴻歸明月池迎
寒桂酒熟含露菊花垂一奉章臺宴千秋長願斯

秋夜獨坐

一作邢邵

危弦斷客心虛彈落驚禽新秋百慮淨獨夜九愁深枯
蓬唯逐吹墜葉不歸林如何悲此曲坐作白頭吟



壽
卷三十一
六



卅811,12

23'42